

:: ANÁLISE DO MEDIO FORESTAL

A oenegué Amigos da Terra pídelle á Consellería de Medio Rural que revalorice a función do Consello Forestal Galego e invista máis na prevención e análise das causas dos lumes para alcanzar unha "correcta" xestión do terreo verde do país

Unha ollada ecoloxista ao monte

XIANA IGLESÍAS
SANTIAGO

A oenegué pola defensa da natureza Amigos da Terra presentou a principios deste verán ante a Consellería de Medio Rural un escrito refrendado por 300 sinaturas no que propoñen novas actuacións para unha "correcta" xestión dos montes galegos. Polo de agora, afirman non ter recibido máis resposta deste departamento que unha carta de agradecemento do conselleiro, Alfredo Suárez Canal.

A asociación galega basea as súas propostas na idea de que o monte é un sector estratéxico (en de un punto de vista ecolóxico, económico e social; un eido no que deberían incrementar as inversións públicas xa que estas "multiplican exponencialmente os beneficios ao conxunto da sociedade").

Aínda recoñecendo a "complexidade" deste sector estruturaron as

"O monte é un sector ecolóxico, económico e social estratéxico"

súas peticións en catro puntos básicos que, consideran, se deberían ter en conta á hora de elaborar o Novo plan de desenvolvemento rural 2007/2013.

En primeiro lugar, apostan por unha Reforma do Consello Forestal Galego, un foro que naceu por obriga e recomendacións dos organismos internacionais da Unión Europea. Segundo o ecoloxista e membro da oenegué, Xosé Santos, o Consello Forestal "tristemente non está a convencer co seu obxectivo inicial e debe ser máis dinámico e integrador". É é que, segundo Santos, o Consello funciona máis como un órgano burocrático, "un cubriño expediente", que como un instrumento asesor e participativo, xa que se reúnen dúas ou tres veces ao ano e en cada reunión "botamos como moito tres ou catro horas".

Porén, Amigos da Terra reclama que o Consello Forestal sexa o eixo a través do que buscar "o imprescindible consenso sobre política forestal e a loita contra os lumes que precisa o noso país". Para cumprir debidamente con estes obxectivos, Santos precisa que, segundo o exemplo de Francia, se deberían crear organismos a nivel comarcal que marcase unhas pautas adaptadas e acordadas á situación de cada bisbarra. Ademais considera que hai sectores sociais que hoxe están fóra do Consello e deberían contar con representantes como, por exemplo, os sindicatos de casa.

A través da segunda proposta sinalan a necesidade de crear políticas de dinamización, estrutura-



Amigos da Terra emprega a educación para inculcar entre nenos e maiores o coidado e respecto polo monte

NORMATIVA

"Temos que fuxir da cultura do lume"

Xosé Santos denuncia que en Galicia existe unha cultura do lume da que teríamos que fuxir e que, porén, está fomentada pola Orde do 12 de xullo de 2007, a través da que se subvencionan as rozas e queimas controladas. Santos advirte que unha boa parte dos incendios forestais son debidos a negligencias no uso do lume e ao escape de queimas e aposta por alternarlas como silvopastoralismo ou uso do mato para producir materia orgánica.

Pacto de Estado contra incendios

"Temos que deixar de usar os lumes e os montes como unha arma arrojadiza duns contra outros", afirma Santos. Para conseguir este obxectivo o ecoloxista cre que é imprescindible a creación dun Pacto de Estado sobre a política forestal e a loita contra os incendios; unha política forestal cun deseño a longo prazo cunha visión máis aló de dúas ou tres explotacións, deixando o monte á marxe de posibles estratexias electorais e políticas.

esforzo inversor da Xunta en política forestal", que pasou de 70 millóns de euros en 2006 a máis de 150 en 2007. Pero, á vez, denuncian que se sigan destinando máis cartos á extinción que á prevención, na que afirma "queda case todo por facer".

É por iso que entende que a administración pública debería pre-

"Deberíase investir máis en prevención que en extinción"

ocuparse máis do coidado cultural dos ecosistemas forestais, o que, á súa vez, "xeneraría máis emprego, melloraría a calidade das masas boscosas e axudaría a consolidar o sector en moitas zonas".

Pero, indo máis aló, a oenegué pide que se traballe e empreguen máis cartos na análise das causas dos lumes, á vez que denuncia que a Xunta "volve desaproveitar e infravalorar os seus propios recursos". Neste caso, aos Axentes Forestais; "un colectivo que polos seus coñecementos, implicación social e integración no medio son un puntal básico á hora de estudar as causas dos lumes". De todos os xeitos, Santos recoñece que hai un cambio positivo en canto á implicación dos medios actuantes (fiscalía, forzas de orde pública) para atallar as principais causas dos lumes en Galicia.

Neste senso, a postura da asociación coincide coa de moitas outras organizacións vencelladas ao medio rural: as medidas para rematar coa praga incendiaria debe partir dunha análise dos lumes e pautas de comportamento da poboación.

Por último expoñen ante a Consellería a necesidade de revisar a normativa galega vixente para os usos e recalificación dos solos. Isto é, a modificación da Lei do solo de

Os Axentes Forestais, básicos para analizar as causas dos lumes

1999 que, aproveitando un valeiro legal, permite desenvolver os núcleos rurais ou solo rústico, aínda que foran incendiados.

A "filosofía" de Amigos da Terra queda plasmada de xeito somero nestas reivindicacións á Administración. Aínda así, a oenegué confía na educación como principal instrumento para revalorizar e fomentar o coidado e respecto polo monte. É por iso, que Santos recalca a importancia de levar a cabo programas de formación entre os nenos e de concienciación e divulgación no conxunto da poboación "para lograr que o monte galego deixe de ser un descoñecido". ●

ción e xestión sostible do medio rural; unha aposta moi ampla e complexa que pasaría pola elaboración de plans "integrals e integradores que fixen a poboación"; pero ante todo na posta en marcha de actuacións que tivesen en conta ao medio rural, "un grupo que non fai presión e que, poio tanto pesa pouco á hora de definir políticas". Santos entendeu que se está a traballar de cosas ó medio rural e así explica que "haxa pobos que non reciben practicamente nada pola ocupación de aerrexeneradores nos seus montes".

Pero, sen dúbida, unha das principais preocupacións da asociación é a creación de instrumentos que fagan efectiva a loita contra os incendios. De tal xeito, vaiaron o "loable